

OPĆINA VAREŠ

Komisija za odabir prijedloga Dana općine Vareš

Na osnovu Člana 33. Statuta općine Vareš, broj 01-25/09 od 29.01.2009., Načelnik Općine je donio Rješenje broj 02-099/11 od 25.02.2011. godine, kojim je imenovao Komisiju za odabir prijedloga Dana općine Vareš u sastavu: Jasmina Šijak, predsjednik, Mirnes Hrvat, član, Marina Drijenčić, član, Mario Jerković, član, Jovan Rašević, član. Imenovana Komisija je na svojoj Drugoj sjednici, održanoj 07.marta 2011. godine, donijela

Z A P I S N I K

o prijedlozima za Dan općine Vareš

Komisija za odabir prijedloga Dana općine Vareš, u sastavu: Jasmina Šijak, predsjednik, Marina Drijenčić, član, Mario Jerković, član i Jovan Rašević, član, a u odsutnosti člana Hrvat Mirnesa, koji je svoju odsutnost obrazložio stavom da bi njegovo prisustvo konačnom odabiru predstavljalo tzv.“sukob interesa“, jer je bio član grupe građana koja je poslala jedan od prijedloga za Dan općine Vareš, a da prethodno nije znao da je imenovan u Komisiju za odabir prijedloga – te je ova Komisija u nevedenom sastavu - 07. marta 2011. godine sa početkom u 13 sati, održala svoj Drugi sastanak u Maloj sali općine Vareš sa sljedećim

Dnevnim redom:

1. Razmatranje i usvajanje Zapisnika sa Prve sjednice Komisije
2. Razmatranje i rangiranje odabranih prijedloga
3. Zaključna razmatranja

1. Zapisnik sa Prve sjednice Komisije za odabir prijedloga Dana općine Vareš je pročitan i jednoglasno usvojen, jer na isti nije bilo prigovora.

2.U svom radu, Komisija je izvršila rangiranje prispjelih i odabranih prijedloga i to sljedećim redom:

1. **Prvi prijedlog bio je 16.august/kolovoz** za koji je predlagač dao obrazloženje u kojem se navodi da je to dan kada je potpaljena Prva visoka peć u Varešu.

Ovaj datum Komisija je ocijenila kao dobar, značajan, dovoljno obrazložen; za općinu Vareš izuzetno važan u privredno-ekonomskom smislu, jer od tog datuma, prema pisanim izvorima – počinje moderna izgradnja Vareša kao gradskog jezgra, ali i njegovih rubnih područja. Isto tako, Komisija je jednoglasno ovaj prijedlog stavila na II mjesto od svih ponuđenih prijedloga.

2. **Drugi prijedlog bio je 29.septembar/rujan**, Dan sv. Mihovila, tj. Patron crkve u Varešu.

Komisija je ovaj prijedlog, jednoglasno – odbacila, jer ne ispunjava one kriterije koji su odredili vijećnici Općinskog vijeća Vareš. Naime, uz dužno poštovanje predlagачu, ovaj prijedlog je, prije svega, vjerskog karaktera i tiče se samo jednog konstitutivnog naroda u Varešu.

3. **Treći prijedlog bio je 30.oktobar/listopad**, koji se, po mišljenju predlagачa izdvaja kao poseban u povijesti Starog Grada Bobovca i Kraljice Katarine, ali bez dovoljno obrazloženja. Isto tako, predlagач je naveo kako je Bobovac značajno turističko mjesto i potencijal, od velike važnosti za općinu Vareš te da svake godine u oktobru mjesecu, privuče brojne posjetitelje, koji tom prilikom na poseban način odaju počast kraljici Katarini Kotromanjić.

Komisija je ovaj prijedlog, jednoglasno – ocijenila nedovoljno jasnim i preciznim. Dobre namjere predlagачa su nesumnjive, jer se odnose na dva povijesna imena i po važnosti za Vareš su među najznačajnijim, a to su Stari Grad Bobovac i kraljica Kataraina Kotromanjić. Međutim, iako je pokušaj obrazloženja za ovaj datum bio da se u prvi plan naglase turistički značaj postojanja Starog Grada Bobovca i kraljice Katarine kroz povijest, ipak je nedovoljno argumentovan navedeni datum, a da bi se isti mogao uzeti u uži izbor.

4. **Četvrti prijedlog je jednoglasno proglašen nevažećim** zbog potpune odsutnosti ozbiljnosti i gramatičke ispravnosti te nemogućnosti da ga se u cijelosti pročita i analizira.

Komisija je ovaj prijedlog, jednoglasno, ocijenila kao nevažeći, jer predlagач nije ispunio niti minimum ozbiljnosti u svom prijedlogu.

5. **Peti prijedlog bio je 20.oktobar/listopad**, za koji je predlagач naveo da se u povijesti grada Vareša, a odnosi se na 1444. godinu – vodi kao zvanični datum pisanog traga o vođenju knjige „Matica rođenih“ za župu Vareš i da bi to bilo, po predlagачu, prvo zvanično pominjanje Vareša u povijesti.

Komisija je ovaj prijedlog ozbiljno razmatrala, ali, ipak, uz sav uloženi trud članova Komisije, isti nije mogao biti podržan, jer se nisu mogli, u dovoljnoj mjeri, dovesti u vezu kriteriji u Javnom pozivu i nedovoljno povijesno obrazloženje prijedloga. Nadalje, i ovaj prijedlog je više vezan za samo jedan konstitutivni narod općine Vareš. Isti nije ušao u najuži odabir.

6. **Šesti prijedlog bio je 21.decembar/prosinac**, kao Dan rudara. Predlagач je na kvalitetan i opširan način dao obrazloženje o ovom datumu. Naveo je da, pošto u Varešu više nema aktivnog rudnika, a ni rudara, ovaj datum bude uspomena na, cit., ... lijepo prošlo vrijeme i zahvalnost rudniku i rudarima cijele općine ...“. Predlagач je naveo podatak da je Vareš u povijesti i to još od srednjeg vijeka, živio od rudnog bogatstva zbog čije je eksploatacije kasnije, tokom vremena - izgrađena livnica i visoke peći, kao i ostali tehnički potencijali u

cilju boljeg iskorištavanja, odnosno, prerade sirovog željeza u finalne proizvode.

Komisija je pozdravila ovaj prijedlog, jednoglasno ga ocijenivši izuzetno važnim za radne ljude i građane, osobito u privrednoj djelatnosti najznačajnijoj za općinu Vareš. Povijesni izvori govore u prilog činjenici da je rudarstvo, kao privredna grana, bitno uticalo na razvoj Vareša kao industrijske zone, kao i to da je zahvaljujući toj djelatnosti, radnička svijest započela svoju emancipaciju, kao u pravnom, tako i u ekonomskom, društvenom i svakom drugom obliku. Ipak, ovaj prijedlog i pored svoje očigledne važnosti za grad Vareš i okolinu, dakle i pored lokalnog značaja, on je ostao u povijesti radničke klase kao Dan rudara koji se i dan-danas obilježava kao takav, što izlazi, nažalost, iz okvira samo lokalnog za općinu Vareš.

7. **Sedmi prijedlog bio je ponovno 21.decembar/prosinac**, gdje predlagač uz dio obrazloženja iz prethodnog (šestog prijedloga!), navodi i to da je Vareš u školskim udžbenicima već dugi niz godina, izučavan kroz povijest vađenja željezne rude i da je kao rudarsko mjesto, prepoznatljiv i van regije u kojoj se nalazi.

Komisija je za ovaj prijedlog, pošto je istovjetan sa prethodnim, dala identičan stav i pojašnjenje. Ovaj prijedlog nije dovoljno samo lokalnog značaja, pa prema tome nije ušao u najuži izbor.

8. **Osmi prijedlog bio 9.maj/svibanj**, tj. „Dan pobjede nad fašizmom“ i „Dan Evrope“. Predlagač je naveo kako se ovaj datum obilježava na svjetskom nivou i da naše osnovne škole u Varešu proslavljaju ovaj datum kao svoj dan. Navodi se, nadalje, da je ovaj datum jedinstven za sve građane Evrope, a simboličan je i za cijeli svijet. U svom obrazloženju, predlagač upozorava da konačni datum Dana općine Vareš, ne bude tek datum lokalnog značaja, bezličan i neutralan, nego da se ipak da akcenat na simboliku istog, radi važnosti za buduće generacije i za sve građane Vareša.

Komisija je ovaj prijedlog, jednoglasno – proglasila nevažnim, jer isti izlazi iz okvira lokalnog. Dan pobjede nad fašizmom i Dan Evrope je internacionalnog značaja, obilježava se u cijelom svijetu; osnovne škole u Varešu ga, isto tako obilježavaju kao svoj dan, ali i pored kvalitetnog obrazloženja predlagača – ovaj prijedlog nije ušao u izbor mogućih, jer je odbačen kao prijedlog koji se tematikom odnosi na II Svjetski rat (1941-1945), a taj period je Općinsko vijeće Vareš uzelo kao kriterij, koji ne bi u dovoljnoj mjeri mogao zadovoljiti transparentnost same nakane Javnog poziva. Prijedlog nije ušao u uže razmatranje.

9. **Deveti prijedlog bio je 16.august/kolovoz**, koji je bio istovjetan sa prvim prijedlogom i gdje se, između ostaloga navodi, da je Vareš kroz cjelokupnu svoju povijest bio vezan za tradiciju kopanja, vađenja i prerade željezne rude. Po predlagaču, brojni izvori govore o rudarenju i preradi rude u Varešu i okolini još u doba Rimskog carstva, Dubrovačke Republike te Austrougarske vlasti, kada Vareš postaje jedan od vodećih gradova u proizvodnji rude. Nadalje se navodi da je tekuća 2011. godina jubilarna, jer je Prva visoka peć u Varešu potpaljena 16.08.1891. godine, dakle, navršava se punih 120 godina od tog značajnog datuma i početka modernog razvoja Vareša.

Komisija je ovaj prijedlog podržala jednoglasno i rangirala ga na II mjesto najužeg izbora.

10. **Deseti prijedlog bio je više „razmišljanje“ na zadatu temu, bez konkretnog iznošenja događaja i datuma vezanog za Vareš te je proglašen nevažećim.**

Komisija je ovaj prijedlog, jedoglasno, ocijenila kao pokušaj da se sa više aspekata, analizira ukupna situacija današnjeg društva i dešavanja u općini Vareš uz akcenat da prioritet u rješavanju društvene krize, treba pokušati rješavati kroz kontrolu trošenja, kako osnovnih energenata, tako i ostalih pretpostavki kroz naučna i tehnička dostignuća nauke općenito, ali i održanja samokontrole, samosvijesti, njegovanja patriotizma, moralnosti i odnosa pojedinca ka pojedincu te ukupnom društvenom dobru. Prijedlog nije sadržavao bitne pretpostavke vezane za Javni poziv te je kao takav – odbačen.

11. **Jedanaesti prijedlog bio je 07.juli/srpanj, koji predlagač navodi kao, cit. „Dan početka najvećeg štrajka livaca ondašnje Kraljevine Jugoslavije. Bio je to protest obespravljenih radnika Vareša svih nacionalnosti i religijskog opredjeljenja; štraj koji je trajao puna 52 dana i imao međunarodnu podršku svih progresivnih snaga svijeta“, zavr. cit., a desio se 1928. godine.**

Komisija je ovaj prijedlog ocijenila dobrim, razložnim i vanredno značajnim za općinu Vareš. Prijedlog je dat na razmatranje i glasanje/glasovanje te su članovi Komisije, poslije dugog razmatranja, dali svoj konačan stav i mišljenje. Naime, i pored očiglednog nastojanja Komisije da se ovaj prijedlog uzme u najuži izbor, ipak se u zaključku mora navesti da predloženi datum ne sadži dovoljno široko područje života na ovome području, odnosno, prijedlog je više vezan za privredu Vareša, za užu privrednu granu, istina, privrednu granu koja je najvećim dijelom izgradila ovaj grad, proslavila ga, uvrstila u jedan od najznačajnijih gradova na Balkanu, kada je u pitanju borba za radnička prava i sl. Ovaj prijedlog je jednoglasno podržan i predložen da mu se dodijeli III mjesto u nejužem izboru prijedloga za Dan općine Vareš.

12. **Dvanaesti prijedlog bio je 12.maj/svibanj, koji po predlagaču predstavlja prvi pisani trag o Varešu i vareškim rudnicima u povijesti, općenito. Predlagač je uz obrazloženje, priložio kopiju/preslik ovoga datuma, koji je objavljen u „Prilozima za orijentalnu filologiju“ u izdanju Orijentalnog instituta, sv.XXVI, godina objavljivanja je 1976. u Sarajevu. Urednik publikacije je dr. Sulejman Grozdanić, a članovi Redakcije su: dr Marija Đukanović, dr Adem Handžić, dr Teufik Muftić, dr Aleksandar Stojanovski i dr Ignacij Voje.**

Komisija je ovaj prijedlog, poslije dugotrajnog razmatranja, jednoglasno – predložila kao prijedlog na I mjestu konačnog odabira. Predlagač je dao veliko i stručno obrazloženje, kao i kopiju/preslik autentičnosti navedenog datuma i događaja vezanih za taj datum, a tiču se povijesti grada Vareša. U obrazloženju prijedloga, predlagač je pokušao obuhvatiti sve ono što je traženo kao uslov i kriterij u Javnom pozivu, pozivajući se na tradiciju, kulturu, povijesnu i materijalnu baštinu, nacionalne, vjerske i druge osjećaje svih konstitutivnih građana Vareša. Predlagač je ovaj datum nazvao kao, cit. „ ... prvi pisani spomen Vareša u popisnim knjigama“. Nadalje, kako se navodi, cit. „ ... u prvom timarsko-spahijskom popisu Bosne iz 1468/69, Mukata-defteri, nalazi se i popis rudnika u Bosni u to vrijeme, među kojima su popisani i rudnik željeza u Varešu u nahiji Bobovac, te rudnici srebra u Borovici u nahiji Bobovac i Daštansko u nahiji Visoko. Iz popisa se vidi da je Vareš tada imao 35 kuća, Borovica 58 a Daštansko 45 kuća. Popis je izvršen od 26.01.1468.-12.05.1469., a obavili su ga mubešir – emin Ajas i pisar Ahmed. Original se čuva u gradskoj biblioteci u Istanbulu, pod brojem 0-76. Dijelove popisa preveo je i naučno obradio Adem Handžić i u obliku autorskog djela

objavio u časopisu „Prilozi za orijentalnu filologiju“ Orijentalnog instituta u Sarajevu br. XXVI/1976., Sarajevo 1978., na strani 7-42, čime je ovaj datum dobio i naučnu valorizaciju ...“. Predlagač je još naveo kako je ovaj datum prigodan i zbog toga što je na prijelazu proljeća u ljeto, kada je moguće upriličiti razne kulturne, zabavne, sportske i druge manifestacije radi obilježavanja „Dana općine“, kao i to da se nalazi na kraju školske godine, a pred početak godišnjih odmora, tj. kada je najveći broj stanovnika Vareša prisutan u gradu. Ovaj predlagač je, uz Dan općine Vareš, iznio i mogućnost dodjele općinske nagrade i plakete „Grb općine Vareš“, za doprinos razvoju Općine iz raznih oblasti privrede, kulture i sporta. Komisija je nakon, dakle, iscrpne analize, jednoglasno, uvrstila ovaj prijedlog u najuži izbor.

Na osnovu svega što je Komisija u vidu ocjene i dodatnog obrazloženja za svaki od prispjelih prijedloga – dala, donesena je konačna

RANG LISTA PRIJEDLOGA ZA „Dan općine Vareš“, a koja glasi:

I mjesto: 12. maj/svibanj

II mjesto: 16. august/kolovoz

III mjesto: 07. juli/srpanj

IV mjesto: 21. decembar/prosinac

3. Zaključna razmatranja su se, uglavnom, odnosila na važnost određivanja Dana Općine Vareš i neophodnost donošenja istog. Vareš je u tom pravcu učinio jedan veliki korak naprijed u svom otvaranju ka svijetu. Građani Vareša zaslužuju da imaju ovaj dan, kada će njihova nacionalna i vjerska osjećanja biti zaštićena u onom smislu, da navedeni datum ne vrijeđa niti jedan segment života svakog pojedinca, a pogotovo ne favorizuje niti jedan od knstitutivnih naroda koji žive u Varešu. Isto tako, Komisija je vodila računa da opravda povjerenje koje joj je dato i da svede na minimum eventualne prigovore javnosti, građana Vareša kao i predstavnika lokalne vlasti, koji će u konačnici i zvanično odabrati jedan od navedenih prijedloga.

Sjednica je završena u 15 sati.

Zapisničar:
Jasmina Šijak

Komisija u sastavu:

Jasmina Šijak, predsjed. _____

Mirnes Hrvat, član _____

Marina Drijenčić, član _____

Mario Jerković, član _____

Jovan Rašević, član _____

Dostavljeno:
1 x Općinski Načelnik
5 x članovima Komisije

